



REGLAMENTO “RUTA A FORTALEZA” EN CASTROVERDE – 16 DE MAIO DE 2026

A Asociación Cultural e Deportiva A Fortaleza Sport organiza a III Ruta Cicloturista A Fortaleza, que terá lugar o sábado 16 de Maio de 2026 en Castroverde.

A ruta constará de 3 percorridos:

- Ruta BTT curta, de 30 km. de lonxitude, e dificultade técnica baixa, pensada para participantes de uso de bicicleta menos frecuente.
- Ruta BTT longa, de 45 km. de lonxitude, e dificultade media, para participantes de boa condición física.
- Ruta Gravel, de 60 km. de lonxitude, e dificultade media, para participantes de boa condición física.

Todas estes percorridos terán carácter NON competitivo. A saída terá lugar ás 9:00 horas para os participantes da ruta Gravel e ás 9:15 horas para os participantes BTT, dende a praza do Concello de Castroverde.

Poderán participar na ruta todas as persoas maiores de 16 anos, se ben os menores de 18 anos precisarán dunha autorización por parte do pai, da nai ou titor/a.

O custo da proba será de 20 euros por participante ata as 23:59 horas do día 30 de Abril de 2026, e de 25 euros por participante dende as 0:00 horas do día 1 de Maio de 2026 ata o peche de inscricións. Aqueles participantes que queiran quedar a comer poderán facelo cun custo adicional de 20 euros, e traer acompañantes á comida cun custo adicional de 25 euros por acompañante, ata as 23:59 horas do día 30 de Abril de 2026, e de 25 euros e 30 euros respectivamente, a partir das 0:00 horas do 1 de Maio de 2026, ata o peche de CCinscricións.

O prazo de inscrición finalizará o 12 de Maio de 2026 ás 23:59 horas ou ao acadar un total de 350 participantes. Realizarase na plataforma de inscricións de www.ccnorte.com.

Considerarase efectiva a inscrición unha vez feito o pago na TPV habilitada para tal fin. Non se admitirán pagos en man nin o mesmo día da proba. Tampouco se admitirán inscricións fóra dos prazos marcados baixo ningún concepto.

A inscrición dará dereito á participación na proba, e incluírá dous puntos de avituallamento (con líquidos e sólidos), agasalho, servizo de lavado de bicicletas, servizo de ambulancia, seguro de responsabilidade civil e de accidentes.

Unha vez formalizada a inscrición non procederá a devolución do importe da mesma no caso de que o participante non poida acudir.



Só serán considerados participantes, aqueles que realizaran a inscrición correctamente e leven o dorsal visible en todo momento. O devandito dorsal será facilitado pola organización.

A entrega de dorsais terá lugar o venres 15 de Maio de 2026 entre as 19:00 e as 21:00 horas, e o sábado 16 de Maio de 2026 entre as 7:30 e as 9:00 horas na Praza do Concello de Castroverde, e a saída efectuarase ás 9:00 horas dende este punto. A recollida de dorsais farase de xeito individual.

O emprego do casco é obrigatorio, e non levalo implica a retirada do dorsal e da ruta. A organización non se fai responsable dos accidentes, nos que puidera ser causa, a negligencia dos participantes, así como os danos que estes puideran ocasionar durante a realización da marcha.

O percorrido da proba transcorre na súa maior parte por camiños rurais e forestais do Concello de Castroverde, existindo cruces con tramos de estradas, que se atopan abertos ao tráfico para outros usuarios polo que se deberá extremar a precaución por parte dos participantes, respectando as normas de circulación contidas na Lei de Seguridade vial e no Regulamento Xeral de circulación.

Todos os participantes deben respectar o entorno por onde transcorre a proba, quedando terminantemente prohibido tirar o lixo en todo o percorrido a excepción dos colectores situados nos puntos de avituallamento e de inicio e final de ruta.

En todo momento respectaranse e acataranse as ordes e directrices da organización, non superando en ningún momento ao vehículo que abre a mesma, o cal será obxecto de descalificación inmediata.

A Organización contará con servizo de ambulancia a disposición dos participantes, ao igual que dun Seguro de Responsabilidade Civil e de Accidentes (limitado), non facéndose responsable de ningún accidente nin gastos fóra desta cobertura. A cobertura abrangue dende a hora de saída da ruta ata a chegada á meta dos participantes, ou ó momento en que o participante abandone a proba coa entrega do dorsal. A organización non se fará responsable dos accidentes, nos que puidera ser causa a negligencia dos participantes, así como os danos que estes puideran ocasionar durante a realización da proba. Enténdese que os participantes inscritos asumen e coñecen os riscos do BTT e o Gravel.

Cada participante será autosuficiente e responsable do seu material e das avarías que poida ter ao longo do percorrido. A organización na medida do posible proporcionará axuda cun servizo de reparacións. En caso de que o participante sufra unha avaría que imposibilite a finalización da proba, este deberá chamar ao teléfono situado na parte posterior do dorsal para a súa recollida.

Os participantes poderán abandonar a ruta en calquera momento, mediante a entrega do dorsal a calquera dos voluntarios que estarán presentes ó longo do percorrido e nos puntos de avituallamento. Estes indicaranlle a mellor forma de volver ó punto de Saída/Chegada/Aparcamento, e, no caso de non poder voltar polos seus propios medios,



chamará o teléfono que aparecen nos dorsais para a súa recollida.

A entrega dos dorsais por calquera das situacións reflexadas anteriormente, así como a circulación do participante con dorsal, por fóra de calquera dos percorridos marcados dentro da ruta, supón o remate da cobertura dos Seguros RC e Accidentes.

O participante presta o seu consentimento á Organización para que poida ser utilizada a súa imaxe na promoción e difusión da proba, de tódalas formas posibles. Calquera persoa inscrita poderá prohibir a utilización expresamente, previa comunicación por escrito dirixida á Asociación organizadora a través do seu mail:

btafortaleza@gmail.com

INFORMACIÓN BÁSICA DE PROTECCIÓN DE DATOS; O responsable de tratamento é a Asociación Cultural e Deportiva A Fortaleza Sport. Os datos de carácter persoal trataranse coa finalidade de organización da III Ruta Cicloturista A Fortaleza no Concello de Castroverde, xestión das persoas participantes e publicación nos medio de comunicacións institucionais ou sociais. A base xurídica que lexitima o tratamento é a misión en interese público amparada polo Art. 25 da Lei reguladora de bases de réxime local e o consentimento da persoa interesada para a publicación das imaxes nos medios de comunicación e RRSS institucionais os datos poderán ser cedidos a outros organismos da administración pública, bancos e caixas de aforro, entidades aseguradoras, entidades sanitarias e forzas e corpos de seguridade do estado, non está prevista transferencia internacional de datos e o prazo para supresión dos mesmos será o necesario para cumprir coa finalidade para a que se solicitarao e nunca máis dun ano. A persoa participante poderá exercer os dereitos de acceso, rectificación, cancelación e oposición, mediante escrito dirixido á Asociación organizadora a través do seu mail:

btafortaleza@gmail.com

A Organización resérvase o dereito a modificar a presente normativa, así como a modificación do percorrido, quilometraxe e data da proba.

O feito de inscribirse na proba, supón a aceptación total do presente regulamento.

